



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns survat
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => Events => Veranstaltung erfassen
Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Nouv adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Sent Turissem fin adüna il marcurdi. Ils avis vegnan plazzats adüna la gövgia illas chaistas nairas.

Stimadas abitantas ed abitants

Il bsögn ed il nüz da nos mas-chalch d'ürant quist temp special e difficil nun es fich grond. Tuottüna prouvaina da til publicar inavant regularmaing.

Ils blers arrandschamaints nu pon gnir organisats, societats nu pon as radunar e la vita sociala es in general fich restretta. Perquai daja eir pac dad infuormar ed il mas-chalch es cuort.

Nus lessan pero istess muossar via sül fat cha tuot las butias sun avertas davent dals 1. marz e cha divers restorants han chattà alternativas o soluziuns creativas per spordscher alch ad indigens e giasts. Eir i'l chomp da sport e temp liber daja bainquantas sportas chi pon gnir trattas a nüz. Las infuormaziuns actualas as chatta sül la pagina d'internet www.scuol-zernez.engadin.com/de/aktuelle-lage.

Resguardar inavant il commerzi local e far adöver da las sportas in noss contuorns es ün act da solidarità chi dà ün zich spranza a tuot ils pertocs in nossa regiun.

Ans tgnain vi da las reglas, tgnain insembel e sperain da restar frischs!



PER PLASCHAIR RESGUARDAR CHI VALA ÜNA LIMITA DA 50 PERSONAS PELS CULTS DIVINS ED IL OBLIGATORI DA MASCRINAS!

dumengia, 7 marz

Cult divin

10.00, rumantsch, rav. Magnus Schleich

dumengia, 21 marz

Cult divin da famiglia

10.00, rumantsch, cun Seraina Guler e scolars e scolaras

dumengia, 28 marz

Cult divin per la dumengia da Palmas

10.00, rumantsch, rav. Jon Janett


UFFANTS

Predgina

Attenziun; causa la situaziun da Corona nun esa pussibel da publicar ils termins da la predgina. La catecheta Seraina Guler infuormescha a temp ütil directamaing ils uffants da scouline fin quarta classa e lur genituors. Grazcha per l'incletta.

Infuormaziuns dà gugent Seraina Guler 079 828 90 36.

La gruppa da gö Tartarugas tschercha
davent dad avuost 2021 üna manadra



Lö: a Sent, local sur la scouline

Pensum: 2 mezs dis (2 uras, avantmezdi o davomezdi)

Uffants: 8 uffants da l'annada 2017 e 3 uffants da l'annada 2018

Che dis nun es fix, id es da coordinar culla scouline. La quantita dad uffants po natural eir amo mudar e variar fin in avuost!

Scha tü hast interess schi fa il bain e t'annuzcha pro:

Nataglia Roner: 0788481570 / nataglia.c@gmx.ch



Pervi da la situaziun actuala spacatta nu pudaina festagiar danövmaing **Chalandamarz**, l'üsanza prediletta da noss uffants. Adonta da quai laschaina clingir **suns e tuns** our da stüvas, stanzas e giò da lobgias.

1. marz 2021 (lù)

12.30 - 13.00

suns e tuns

our da fanestras e giò da lobgias

tuottadi:

bügls decorats

(Plaz,



CHALANDAMARZ